

Powšitkowne WOZJEWJENJA

njedźelu, 6. junija 2021

Wusyłanje Božeje mše a nyšpora

Serbskorěčnu Božu mšu móža wěriwi tutu njedźelu, 6. junija, znowa jako livestream w interneće scěhować. Wona přenjesa so w 9 hodž. z Chróšćanskeje cyrkwy, w 14 hodž. tež nyšpor. Tón přenjesu w samsnym času tohorunja z Kulowa. Linki su w interneće pod www.posol.de a na wosadnymaj stronomaj podate.

Jeničce jedne njedźelne kemše

Wot tuteje njedźele, 6. junija, budu w Róžeńće jeničce jedne njedźelne kemše w 10.30 hodž. w serbskej rěči. Nyšpor w 14 hodž. wostanje kaž dotal.

Młodźinski nyšpor

Dekanatne dušepastyrstwo za młodzinu přeprašuje młodostnych na nyšpor do Rožeńćanskeje swjatnicy. Tutón wotměje so sobotu, 19. junija, w 19 hodž.

Akcija „Łódź, ahoj!“

Wotrjad za swójbnu kaž tež džěcacy a młodžinsku pastoralku Drježdžansko-Mišnjanskeho biskopstwa přeprašuje wulke a małe džěci ze swojimi swójbami na tak mjenowanu jubilejnu flashmob pod hesłom „Łódź, ahoj!“ Wone su namołwjene, papjerjane łódže sfałdować abo spaslić – „wulke, małe, pisane, pomolowane, z postrowami, mjenom“, rěka w přeprašenju. Mnóstwo njeje wobmjezowane. Tute měli so potom hač do njedźele, 13. junija, na scěhowacu adresu póslać: Bistum Dresden-Meißen, Käthe-Kollwitz-Ufer 84, 01309 Dresden, Stichwort: Schiff, ahoi! Samopaslene łódže pokazaja so na jubilejnym dnju, njedźelu, 20. junija, po swjatočnej Božej mši w Drježdžanskej katedrali na Dźiwadłowym naměšće. Paslenki maja być „mnohostronski symbol za našu Łódź Drježdžansko-Mišnjanske biskopstwo“, pisatej iniciatorce Claudia Leide a Daniela Pscheida-Überreiter. Link z mustrami k fałdowanju a z dalšimi informacijemi je pod www.posol.de podaty.



100 lět po znowazałoženju biskopstwa

Jubilejne kemše digitalnje a decentralnje

Ze swjedženskej Božej mšu w Drježdžanskej katedrali woswjeći Drježdžansko-Mišnjanske biskopstwo njedźelu, 20. junija, 100. róčnicu swojeho znowazałoženja. Wěriwi su přeprošeni, na wšelakore wašnje tute kemše scěhować: z wosadu, doma abo w skupinje. Z pomocu platformy Zoom chcedža wšitke tute městna mjez sobu zwjazać a na wulkich wobrazowkach w katedrali pokazać. Tak poda so w běhu Božeje mše, kotruž telewizijny scelak MDR live přenjese, „dohlad“ do biskopstwa. Scěhowacy wotběh je předwidžany:

- 8.30 hodź. wotewrjenje konferencneho ruma Zoom za techniske proby
- 9.30 hodź. **předprogram**
zazběh, digitalny program „k scóplenju“ za wšitkich, kotřiž so přez Zoom na Božej mši wobdźěla
- 10.00 hodź. **swjedženske kemše**
telewizijny scelak MDR je přenjese
- stacija z wopomnjenjom swjateje křćeńcy
 - zhromadne zahajenje Božeje mše ze začahom do Drježdžanskeje katedrale a do wšěch městnych cyrkwjow po wšěm biskopstwje
- 10.40 hodź. słowna Boža služba
- 11.00 hodź. eucharistiska Boža služba
- 11.20 hodź. žohnowanje a pósłanje
- 11.30 hodź. zhromadne zakónčenje po swjatym woprawjenju z biskopstwowym kěrlušom a Te Deumom
rozžohnowanje přez Zoom

Link na internetowu stronu z nadrobnymi informacijemi, mjez druhim k techniskim wuměnjenjam, nańdu zajimcy pod www.posol.de.